

## BIOGRAFIJA

Rođen u Zenici, 4. maja 1989. godine, gdje završavam osnovnu i srednju školu – Drugu gimnaziju, nakon koje upisujem Filozofski fakultet Univerziteta u Zenici i stičem zvanje profesora bosanskog, hrvatskog i srpskog jezika i književnosti. Poslije toga upisujem master studij i stičem zvanje magistra medija i komunikacija.

U novinarstvu još od gimnazijskih dana, kada uređujem školski list “Z(j)enica”. Za vrijeme studija počinjem volontirati na Radio-televiziji Zenica, kratko i na Radiju “M” u Sarajevu kao saradnik iz Zenice, zatim na portalu Zenica 24sata, gdje me, nakon mjesec dana, imenuju za urednika.

Osnivač sam portala “072info”, pisao i za magazin “Express” grupacije “Avaz roto press”, te kratko honorarno radio na "Narodnom radiju" i "Kanal 6". Vodio i organizirao brojne manifestacije u zeničkoj "Areni".

Prve tekstove, kao honorarac, na “Avazovom” portalu objavio u maju 2015. godine, da bi, godinu kasnije, bio i profesionalno angažiran u najutjecajnijem mediju u BiH - “Dnevnom avazu”.

Zahvaljujući prepoznatljivim tekstovima, reportažama, temama i intervjuima, koje su često preuzimali i regionalni mediji, godine 2017. imenovan sam za glavnog i odgovornog urednika “Avazovog” portala i tako postajem najmlađi urednik tog portala.

U “Dnevnom avazu” bio angažiran i kao novinar-dopisnik te šef Dopisništva u Zenici, a iza sebe imam na hiljade objavljenih tekstova, brojnih naslovnica, reportaža, ekskluziva i razgovora sa javnim ličnostima iz svih sfera života.

Od novembra 2020. godine do juna 2024. godine radio u Službi kabineta gradonačelnika u Gradskoj upravi Zenica na poslovima informisanja javnosti o aktivnostima gradonačelnika i Gradske uprave Zenica, gdje sam obnašao i funkciju šefa Odsjeka za protokol i informisanje.

Kratko bio i član Nadzornog odbora JP «RTV ZENICA» d.o.o. ZENICA.

Posjedujem i Certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala.

Iza sebe imam objavljenu i knjigu “Opstanak tradicionalnih medija u suživotu sa internet portalima”, kao i naučni rad “Komparativna analiza tradicionalnih i novih medija – nestanak prvih ili nadgradnja drugih” objavljen u Zborniku radova Filozofskog fakulteta Univerziteta u Zenici.

Bio zaposlen u Kazneno-popravnom zavodu Zenica na poziciji šefa Odsjeka za poslove sigurnosti, unutrašnje kontrole i edukaciju Sektora za poslove sigurnosti, kao i šefa Odsjeka za obradu informacija.